



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Fasti Mariani Cum Divorvm Elogiis In Singvlos Anni Dies  
Distribvtis**

**Brunner, Andreas  
Pfeffer, Wilhelm**

**Antverpiæ, 1637**

Nativitas Christi. 25. Decembris.

**urn:nbn:de:hbz:466:1-44055**

utrumq; acies, signa signis inferri, viros viris concurrere, scuta scutis, pede pedem hærere. Interea aspicit ex cælestibus ducibus unum, qui decussatis in crucem pedibus, aleam belli regebat, & victoriam ex suo arbitrio dispensabat. Nam cum sinistrum pedem dexter premebat, Romani; cum sinister dextro incumbebat, Bulgari vincebant. Sed & inter cæforum corpora locum vacuum videt, auditq; fatalem eum sibi & commilitonibus suis futurū fuisse, si Veneri heri palmam cessisset. Somnii veritatē cum sole dies ostendit, & strages Romanorum, quibus vincentibus primò, Bulgari ultimò victoriā extorserunt. Tum enim verò NICOLAVS rectius dehinc bellaturus, nomen militiæ religiosæ dedit. In hac tot trophæa posuit, quorū pugnas pugnavit. Illud nobilissimū omnium est, quod NICOLAVS de NICOLAÖ statuit. Ex Meneis.

*Vide quid tibi ante tribunal illud terrificum respondendum sit de eo, quod acceperis in vano animā tuam, & animam talem; si inveniaris nihil egisse amplius de immortali & rationali spiritu, quam quodvis pecus de suo? S.Bern.epist.104.*

## NATIVITAS CHRISTI. 25. Decembris.

**E**uge nox omni die candidior! Vides, quæ nullus dies vidit. Surgit, ecce, non ab undis, sed stipulis Sol meus. Superi! tam propè junctam soli quis umquā lunam conspexit? viden' ut è filii vultu lætiores radios mutuetur maternus oculus? Cæcus sum, nisi in hac nocte amorē Dei mei video: video, video in hoc speculo ruborem meum. Stabulum, stipulæ, panni arguunt: Boreas frigus pectoris accusat: bos asinusque ingratū clamant: loquaces puelli lacrimæ, & è parvo pectore magni

magni gemitus damnant. An sisto igitur me  
reum? at iratum metuo. At infans est: risu placa-  
tur. Negant manus tam parvæ fulmen ferre: si  
ferre velint, fasciæ vetabunt; mater non feret. Et  
numquid non pacē Angeli nuntiant? Quid? quod  
blando insuper risu puer dulcissimus invitat, ob-  
vius etiam iturus, si pedes ferrent. Certè in am-  
plexus brachiola offert. In tam amica vincula  
non curram? Imò pedibus plumbum denique  
demo. Ite, omnia puero vos membra substernite.  
Fœnum etiam vos estis. I, culcitra lingua esto:  
aptior VERBO non potest esse. Et tu cor pulvillum  
præbe: tactu mollesces. Vos quoque ite suspiria,  
& algentem fovete. Eia brachia in fascias; in bal-  
nea oculi abite. Denique ignoscite, qui aëra &  
rusticos mulcetis, silere Angeli. Præ omnibus  
modulis vestris vox optima, vox vagientis placet.

*Ecce offertur tibi JESVS; curre obviis manibus, ex-  
tende manus, expande sinus; devotionem tuam probet  
tam actus, quam affectus. Filium qui tibi offertur,  
fuscipe fide, amplexare affectu, semperque inter ubera  
commoretur. Guerric. serm. 2. de Nativ. Dom.*

## S. STEPANUS M. 26. Decembris.

**P**rimus pro fide Christianâ sanguine suo STE-  
PHANVS subscripsit, ut purpurati in cælo ag-  
minis antesignanus non immerito habeatur. Sa-  
pientiâ Deoque plenus, eoque ab Apostolis in-  
ter vii. principes Diaconos adlectus, mirum est,  
quam multis magnisque prodigiis sive Christia-  
norū animos erexerit, sive fregerit dejeceritq;  
Judeorum. Et movit ea res bilem indurato ad  
omnem malitiam populo, ut, veluti legem profa-  
nasset, in jus raperent. Sed ille pro Deo, & se ita  
dixit,

26. D.  
dixit  
tonit  
pugn  
hoc a  
spect  
ponè  
se vic  
retur  
simè  
nunc  
causs  
peror  
mult  
muta  
sangu

Eti  
non p  
placab  
arma  
dum.

A  
ne ce  
tame  
duit.  
leo d  
lo an  
cand  
thord  
Herc  
liqua  
immi